



partii naleraq

30. april 2019

UPA2019/155

Sulisartup sunniuteqarfiginngisaanik piffissami sivikitsumi tunisassiornermik unitsitsigallarnek pissutigalugu angerlartitaanermi suliffeqarnermi ikiorsiissutinik pissarsisinnaanerup annertusitinneqarnissaa, suliffeqarfinni sunngaluartuniluunniit sulianut suugaluartunulluunniit atuutsinneqalernissaa anguniarlugu sulinermi ikiorsiissutit pillugit Inatsisartut inatsisaata1 nr. 2 majip 15-ianeersup 2014 allanngortinneqarnissaanik kingusinnerpaamik UPA2020-imi siunnersuuteqaqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut.
(Inatsisartunut ilaasortaq Doris Jakobsen, Siumut)

Inatsisartunut ilaasortaq Doris Jakobsen Jensen Siumut, siunnersuuteqarpoq Sulisartut sunniuteqarfiginngisaanik piffissami sivikitsumik tunisassiornermik unitsitsigallarnek, allatulluunniit pissutsit sumiiffimmi pissutigalugit, sulifferunnermi ikiorsiissutit pisinnaanngikkanni pisarnissamut tunngasunik inatsisartut aalajangiiffigisassaannik saqqummiussaqaarluni tamannalu oqaaseqarfigissavarput.

Nunatsinni sulisinnaasut tamaasa atorfissaqartippagut aammalu ilaqarpugut sumiiffiit ilaat isigigaanni nutaamik suliffittaarnissamut periarfissaqarpallaarneq ajortut pingaartumik aamma nunaqarfiit eqqarsaatigalugit.

Siunnersuuteqartut tunngavilersuinermini taakkartorpai assersuuteqaarluni tunisassiorfinni sulineq naatsorsuutiginnisamik unippat sulisartut angerlarallarpat sulinnginnerminni ikiorserneqarsinnaasut. Tamannalu aamma suliffeqarfinnut allanut atuutsinneqarsinnaasariaqartoq assersuutitullu taaneqaarlutik ilaatigut atuarfinni asaasut imaluunniit aamma pedel-it assigisaallu.

Tassami ukioq naallugu suliffik paarilluarsimagaanni ilaatigut eqqorpallaanngitsutut isikkoqarpoq atuarfiup aasaanerani matoqqagallarnerani sulinngiffeqarneq pissutigalugu annaasaqartarneq, taakuinnaanngillat aamma assersuutigalugu juullimi atuannngiffiup nalaani sivisulaartumik atuarfik matoqqappat aamma annaasaqartarput.

Taamaattumik siunnersuuteqartup tunngavilersutai paasilluarpagut, ilaqarpugut amerlasuunik ilaatigut sulinerinnarmi aningaasarsiaqartartunik timiimut akissarsiaqartarneq pissutigalugu.

Taamatut nalaataqartarnermi ilaatigut ilaqutariit inuuniarnikkut eqqorneqartarput tamannalu suliffimmut paarsilluarsimagaanni pillarneqaatitut atuutsinneqartassappat tulluanngilaq.

Taamaattumik siunnersuuteqartup Doris Jakobsen Jensen Siumut siunnersuutaa taperserlugu ataatsimiititaliami suliarineqarnissaa innersuussutigaarput.

Hans Enoksen